

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ZAVOD ZDRAVSTVENOG OSIGURANJA KANTONA SARAJEVO
UPRAVNI ODBOR**

Na osnovu člana 103. Zakona o zdravstvenom osiguranju F BiH („Službene novine F BiH“ br. 30/97, 7/02, 70/08, 48/11, 36/18 i 61/22), člana 38a Pravilnika o načinu ostvarivanja prava iz obaveznog zdravstvenog osiguranja („Službene novine F BiH“, br. 31/02 i 20/19), člana 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ broj 04/00, 10/02, 30/08, 01/12, 15/13 i 9/22) i člana 20 stav (7) Odluke o izvršavanju Finansijskog plana Zavoda zdravstvenog osiguranja Kantona Sarajevo („Službene novine Kantona Sarajevo“, broj 55/23), te saglasnosti Ministarstva zdravstva Kantona Sarajevo broj 10-02-3323-2/24 od 29.04.2024. godine i broj 10-02-3323-3/24 od 06.06.2024. godine na smjernice i kriterij za određivanje kategorija trudnica kod kojih postoji opravdana medicinska indikacija za dijagnostičku proceduru neinvazivnog prenatalnog testiranja, Upravni odbor Zavoda zdravstvenog osiguranja Kantona Sarajevo, na 32. redovnoj sjednici održanoj 13.06.2024. godine, donosi

O D L U K U

o sufinansiranju troškova neinvazivnih prenatalnih testova u 2024. godini

I - OPĆE ODREDBE

Član 1.
(Predmet)

Ovom Odlukom utvrđuju se kriterij, način i postupak ostvarivanja prava na sufinansiranje troškova neinvazivnih perentalnih testova, kao i najveći procentualni iznos sredstava za sufinansiranje troškova, a u skladu sa saglasnošću Ministarstva zdravstva Kantona Sarajevo broj 10-02-3323-2/24 od 29.04.2024. godine i broj 10-02-3323-3/24 od 06.06.2024. godine, na smjernice i kriterij za određivanje kategorija trudnica kod kojih postoji opravdana medicinska indikacija za dijagnostičku proceduru neinvazivnog prenatalnog testiranja.

Član 2.
(Sredstva za sufinansiranje)

Sredstva za sufinansiranje troškova za dijagnostičku proceduru neinvazivnog prenatalnog testiranja osigurana su u Finansijskom planu Zavoda zdravstvenog osiguranja Kantona Sarajevo za 2024. godinu.

II - KRITERIJI ZA SUFINANSIRANJE TROŠKOVA

Član 3.
(Opći kriteriji)

Sufinansiranje troškova za dijagnostičku proceduru neinvazivnog prenatalnog testiranja vršit će se u skladu sa kriterijima i to:

- a) Starosna dob trudnice od 35 godina i više,
- b) Da je zbir godina supružnika/ partnera 70 godina i više,
- c) Opterećena porodična anamneza (pojava hromosopatija kod dosadašnjeg potomstva),
- d) Pataloški nalaz testova probira u ranoj trudnoći (rani test probira, double test, triple test),
- e) Ultrazvučni znakovi hromosopatija u ranoj trudnoći, kao i neke kongenitalne anomalije prepoznate ultrazvukom u ranoj trudnoći,

- f) Ako je trudnica imala tri ili više pobačaja,
- g) Trudnice koje su zanijele vantjelesnim putem akoje nisu radile genetske analize.
- h) da je u momentu pružene usluge osiguranica imala prijavu na zdravstveno osiguranje KS u trajanju ne manje od 6 mjeseci (ispunjenost uslova zdravstvenog osiguranja na Kantonu Sarajevo Zavod će vršiti ex officio, uvidom u službene evidencije).

III - NAČIN I POSTUPAK ZA OSTVARIVANJE PRAVA NA SUFINANSIRANJE TROŠKOVA

Član 4. (Komisija)

- (1) Zahtjev za ostvarivanje prava na sufinansiranje troškova neinvazivnog prenatalnog testiranja razmatra posebna komisija imenovana Rješenjem Ministarstva zdravstva Kantona Sarajevo.
- (2) Komisija iz stava (1) ovog člana daje prijedlog na osnovu kojeg direktor Zavoda donosi Odluku o sufinansiranju troškova.
- (3) Komisija je obavezna da vodi evidenciju o broju zaprimljenih zahtjeva, odobrenih i odbijenih zahtjeva i novčanih sredstava utošenih za ovu namjenu.
- (4) Sekretar Komisije obavlja sve administrativne poslove za potrebe komisije.
- (5) Komisija je u obavezi donijeti poslovnik o radu.

Član 5. (Podnosilac zahtjeva)

- (1) Zahtjev za ostvarivanje prava na sufinansiranje troškova neinvazivnog prenatalnog testa podnosi osigurano lice ili njegov punomoćnik, te bračni/vanbračni drug.
- (2) Zahtjev iz stava (1) ovog člana podnosi se Zavodu zdravstvenog osiguranja Kantona Sarajevo.

Član 6. (Pokretanje postupka)

- (1) Podnošenjem zahtjev za ostvarivanje prava na sufinansiranje troškova neinvazivnog prenatalnog testa pokreće se postupak dodjele istih.
- (2) Uz zahtjev za ostvarivanje prava na sufinansiranje troškova neinvazivnog prenatalnog testa dostavlja se slijedeća dokumentacija:
 - a) Nalaz ordinirajućeg ljekara specijaliste ginekologije i akušerstva sa preporukom za neinvazivni prenatalni test uz relevantnu medicinsku dokumentaciju kojom se dokazuje ispunjenost opštih kriterija iz člana 3. ove Odluke,
 - b) Originalnu plaćenu fakturu o izvršenoj i pruženoj usluzi na ime osiguranika,
 - c) Vjenčani list za supružnike ili drugi odgovarajući dokaz za vanbračne partneren kojim se dokazuje zbir godina supružnika/ partnera 70 godina i više,
 - d) Transakcijski broj žiro računa podnosioca zahtjeva.
- (3) Komisija zadržava pravo da traži dopunu dokumentacije u svrhu dokazivanja ispunjenosti uslova propisanih kriterija.
- (4) Potpisivanje zahtjeva i predaja gore navedene dokumentacije ujedno je data saglasnost za obradu ličnih podataka u cilju rješavanja predmeta.

IV - PROCENTUALNI IZNOS SREDSTAVA ZA SUFINANSIRANJE TROŠKOVA

Član 6.
(Procentualni iznos sredstava)

- (1) Zavod će sufinansirati sredstva u ukupnom iznosu od 90% stvarnih utrošenih troškova, maksimalno do 1.250,00 KM.
- (2) Finansiranje troškova za usluge prenatalnog testa, vršit će se po redoslijedu primljenih zahtjeva putem protokola Zavoda, do utroška planiranih sredstava predviđenih u Finansijskom planu za tekuću godinu.

V - PRELAZNE I ZAVRŠNE ODREDBE

Član 7.
(Okončanje podnesenih zahtjeva)

Podneseni i neriješeni zahtjevi za ostvarivanje prava na sufinansiranje troškova neinvazivnog prenatalnog testa, koji su podneseni u tekućoj godini, a prije stupanja na snagu ove Odluke okončat će se prema odredbama ove Odluke.

Član 8.
(Stupanje na snagu)

Ova Odluka stupa na snagu danom donošenja i bit će objavljena na stranici Zavoda zdravstvenog osiguranja Kantona Sarajevo.

Broj: 01/2-02-2-16521-11/24
Sarajevo, 13.06.2024. godine



PREDSJEDNICA UPRAVNOG ODBORA

Prof. dr. Jasmina Selimović

Dostaviti :

- Ministarstvo zdravstva Kantona Sarajevo
- Predsjednica UO
- Direktor
- Komisija za određivanje kategorija trudnica kod kojih postoji opravdana medicinska indikacija za dijagnostičku proceduru neinvazivnog prenatalnog testiranja (Elma Branković)
- Jedinica interna revizije
- Služba za zajedničke poslove i podršku poslovanju, Služba za kvalitet i nadzor, Sektor pravnih poslova sa 5 poslovnica, Sektor za ekonomiku i finansiranje, Sektor za medicinske i farmaceutske poslove (x6)
- a/a UO
- a/a.

O B R A Z L O Ž E N J E

I – PRAVNI OSNOV

Pravni osnov za donošenje Odluke sadržan je u članu 103. Zakona o zdravstvenom osiguranju F BiH („Službene novine F BiH“ br. 30/97, 7/02, 70/08, 48/11, 36/18 i 61/22), članu 38a Pravilnika o načinu ostvarivanja prava iz obaveznog zdravstvenog osiguranja („Službene novine F BiH“, br. 31/02 i 20/19), članu 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ broj 04/00, 10/02, 30/08, 01/12, 15/13 i 9/22) i članu 20 stav (7) Odluke o izvršavanju Finansijskog plana Zavoda zdravstvenog osiguranja Kantona Sarajevo („Službene novine Kantona Sarajevo“, broj 55/23), te saglasnosti Ministarstva zdravstva kantona Sarajevo broj 10-02-3323-2/24 od 29.04.2024. godine i broj 10-02-3323-3/24 od 06.06.2024. godine na smjernice i kriterij za određivanje kategorija trudnica kod kojih postoji opravdana medicinska indikacija za dijagnostičku proceduru neinvazivnog prenatalnog testiranja.

II – RAZLOZI ZA DONOŠENJE ODLUKE

U cilju realizacije zaključka Vlade Kantona Sarajevo broj 02-04-39464-18/23 od 07.09.2023. godine, radi planiranja sredstava u Finansijskom planu Zavoda za neinvazivno prenatalno testiranje iz krvi trudnica, Zavod je u Finansijskom planu za 2024. godinu obezbijedio sredstva na poziciji 613943 u iznosu od 1.000.000,00 KM. Shodno navadenom, a u cilju realizacije pomenutog zaključka i stvaranja preduslova za realizaciju planiranih sredstava, Komisije za izradu prijedloga smjernica i kriterija za određivanje kategorija trudnica kod kojih postoji opravdana medicinska indikacija za dijagnostičku proceduru predmetnog testiranja predložila je smjernice i kriterij za određivanje kategorija trudnica kod kojih postoji opravdana medicinska indikacija za dijagnostičku proceduru neinvazivnog prenatalnog testiranja a koje su usvojene od strane MZ.

III – PRAVNA RJEŠENJA

Ova odluka sastoji se od V poglavlja koji je regulisano slijedeće:

POGLAVLJE I – V Ovim poglavljima, pored osnovnih odredabam, reguliše se: kriteriji za sufinansiranje troškova, način i postupak za ostvarivanje prava na sufinansiranje troškova, procentualni iznos sredstava za sufinansiranje troškova i prelazne i završne odredbe

IV – FINANSIJSKA SREDSTVA

Finansijska sredstva za realizaciju ove odluke obezbijedena su u Finansijskom planu za 2024. godinu na poziciji 613943 u iznosu od 1.000.000,00 KM.